

Հանց պատուակ(ա)ն է եւ աղնիւ .

Վարձքն ի կշիռ դատողական ,

Թէ լինի հատ մանանխոյ .

Նա կըչուեն ի դէմ լերան :

Ով է տեսեր հանց դատ(ա)ւ(ո)ր . .

Կամ յիր(ա)ւի հանց դ(ա)տ(ա)ստ(ա)ն .

Որ չկորի մազմի գլխոյ .

Ձրկանքն ի տէրն դառնան :

Որք որ սակաւ մի վարձք ունին .

Եւ թանձրամած մեղօք հեծան ,

Չմեղս ի վ(ե)ր(ա)յ մեղաց կուտեն .

Սակաւ վարձուցն մերկանան :

Մի անդամ խօսի ա(ստուա)ծ .

Եւ գերկու ձայնն լւան ,

Մեղաւ(ո)ր(ա)ցն եւ արդ(ա)րոցն .

Որք ըզհատուցումն գործոցն տան :

Այսպէս խօսի հետ արդ(ա)րոցն .

Եկայք ի հօր իմ օթեւան ,

Ժ(ա)ռ(ա)նկեցէք ըզպատ(րա)ստե(ա)լն .

Եւ զանըսպառ ուրախութե(ա)ն :

Այսպ(էս) խօսի մեղ(ա)ւոր(ա)ցն .

Չեմ ճ(ա)ն(ա)չեր չէք իմ արժան ,

Հանէք ի խաւարն արտաքին

Չծ(ա)ռ(ա)յքդ որ չար են ւ անպիտան :

Մեղ(ա)ւ(ո)րքն յամօթ լինին

Բայց ի սոռոյ մէջըն կենան ,

Ո(ր)պ(էս) զոչխարըս մոլորեալ .

Որ ի դայլոցըն վշտանան :

Ն(ո)ք(ա) են հօտ ս(ա)տ(ա)ն(ա)յի .

Որ ժ(ո)ղ(ո)վէ զճախակողմեան ,

Ն(ո)ց(ա) զդժոխսն է պ(ա)տր(ա)ստեալ .

Անուր հարիւր հազար հեծան :